



UNIVERSITÄTS-  
BIBLIOTHEK  
PADERBORN

**R. P. Adami Contzen E Societate Iesv, SS. Theol. Doct.  
Commentaria In Qvatvor Sancta Iesv Christi Evangelia**

**Contzen, Adam**

**Coloniæ Agrippinæ, M.DC.XXVI**

Cur dicitur accepturus regnum Daudis?

---

[urn:nbn:de:hbz:466:1-83011](https://nbn-resolving.org/urn:nbn:de:hbz:466:1-83011)

prudentiā quæsitam. Prima quidem gratia omnibus non quarentibus datur, sed qui prima videntur, incrementum inueniunt. Hac de Theolog. in 3. senten. distinctio. 3. & in 3. pagin. quæstio. 37. disputare solent. Non esse nugam ut Bez a putat, Mariæ merita agnosce-re, iam olim docuit Augustinus de bono coniugali, cap. 25. Excepti igitur, ait, quibusdam illis coniugatis, pa- tribus & matribus sanctis, quibus ideo isti meliores non sunt, quamuis coniugati non sint, quia si coniugati essent, pares non essent; ceteros omnino huius temporis coniugatos, vel post ex- pertum concubitum continentes à se superari non dubitent, non quantum ab Anna, Susanna, sed quantum amba à Maria superantur. Quod ad ipsam pertinet sanctam carnis integritatem, loquor. Nam qua alia sint Mariæ merita quis ignoret?

Magna igitur Mariæ merita, quibus per gratiam ef- ficacem aliam inuenit, & omnium hominum perfe- ctionem superauit.

## VERSUS 31.

*Ecce concipies in utero, & paries fi-  
lium, & vocabis nomen eius Ie-  
sum.*

## QVÆSTIO I.

*Qualis filius Mariæ?*

*Christus  
magnus re-  
spectu om-  
nium filio-  
rum Dei,  
qui omniu  
caput.*

§. 1. **M**agnus alia magnitudine quam Baptista, *ut cuius magnitudinis non sit finis.*

Quisque in suo ordine magnus, & beatorum ne- mo non magnus, quia maior omnibus Regibus Re- gum. Absolute igitur magnus, ut de quo dictum sit: Magnus Dominus & laudabilis nimis.

Non probo quod Enthymius perpendit verba. *E- rit magnus*, & de opinione apud homines intelligit. Nam ea ipsa dicebat eum iam esse magnum. Deum scilicet. De persona enim composita, seu Deo homi- ne, filio Virginis, hoc est accipiendum, qui ante con- ceptionem non erat Deus homo.

Magnum autem eo modo quo solent Reges, ut o- stendat non eo modo magnum quo cæteri filii à Deo adoptati magni sunt, sed omnium magnorum Domi- num & Regem esse.

## VERSUS 32.

*Hic erit magnus, & Filius altissimi  
vocabitur, & dabit illi Dominus  
Deus sedem David Patris eius:  
& regnabit in domo Iacob in ater-  
num.*

33. *Et regni eius non erit finis.*

## QVÆSTIO I.

*Cur dicitur accepturus regnum Da-  
uidis?*

*Christus  
temporale  
regnum  
Davidis*

§. 1. **D**avidis in Israhel regnum **CHRISTVS** non obtinuit, nec enim temporarius Iudææ Rex fuit, cæteræ verò tribus in dispersione manerunt. Regnum igitur Davidis obtinere di-

cutur, quia Davidis regnum temporale, **CHRIS- TVS** regi, quod in totum terrarum orbem pro- tenditur, est figura. **CHRISTI** typus ipse Da- uid, quare etiam David ipse vocatur. Ipse enim con- stitutus est Rex super montem sanctum eius.

Obicit Arrianus. *Deus illi dabit; non ergo natura ha- buit, qui accepit, non ergo Deus est.*

Respondeo. Quosdam interpretari, dedisse, quia declarauit eum Regem esse, sed rectius dicitur, accepisse secundum humanam naturam non di- uinam.

Qua de alio loco ex S. Athanasio, aliisque patribus disputauit.

## QVÆSTIO II.

*An idem Deus & homo?*

§. 1. **N**estorium Angeli verbis refutarunt antiqui Patres. Hic enim idem est qui dicitur altissimi filius, & qui de Virginis utero nascitur. Non ergo alius Dei Filius, alius Virginis, sed vniuersum, quod etiam clarius exponitur cum dicitur. *Quod enim ex te nascetur sanctum, vocabitur filius Dei.*

Filius ergo Dei, hoc est secunda persona in san- ctissima, de Beata Virgine nascitur, Deum ergo illa genuit, nec duæ sunt, in **CHRISTO** persone, nec **DEI** filius à Virginis filio distinctus est. Sed vniuersum idemque filius, & ipsa, non modo *per se*, sed etiam *per se*.

## QVÆSTIO III.

*Quamdiu & ubi regnabit?*

§. 1. **N**ULLAM metam, nulla tempora poluit Imperium sine fine dedit. Regnum hoc æternum est, de quo Danielis 3. Lapis enim ex mou- te abscissus in hoc regnum creuit, de quo in libris Re- gum, & in Daniele actum.

§. 2. In domo Iacob, non vna alteraue tribu, ut posteri Davidis. Nomine autem Iacob intelliguntur omnes tribus, ac consequenter orbis terrarum sic Apocalyp. septimo, vers. quinto. & vndecimo, quod decimo.

Præcipua autem regni maiestas in Ecclesia militante & triumphante refulcet. Hæc est enim domus Iacob, quem Deus dilexit.

## QVÆSTIO IV.

*An quia filius altissimi est, sit etiam  
Deus?*

§. 1. **E**adem verba ad **CHRISTI** astringendam di- uinitatem orthodoxi, ad destruendam A- rriani vsurpant.

Orthodoxi primo statuunt, vocari esse idem, quod esse. Itaque capit. primo, vers. vigesimo sexto, & cap. quarto, vers. tertio. nec hoc solent Ariani negare plerique.

Deinde altissimum esse vnum ex nominibus Dei, quod Hebraicè dicitur *אלהים* *chalion*, & absolute pro Deo ponitur. Numer. vigesimo quarto, vers. decimo sexto. Deuteronom. cap. vigesimo secundo, vers. o- ctavo. aliisque plurimis. Ethic quidem cum Ariani vobis conuenit. Dicunt tamen esse filium altissimi eo modo quo Prophetæ, & viri sancti, gratia & ado- ratione.

A. vero